

Zigor osoa betetzeari buruzko debatea piztu du Anabel Seguraren hilketak

Kode Penalak «bergizarteratu gabeko» 13.000 preso kaleratuko dituela dio PPk

Duela bi urte eta erdi bahitutako Anabel Seguraren gorpua aurkitzeak piztu egin du berriro ere kondenatuek zigor osoa betetzeari buruzko eztabaida. Juan Alberto Belloch Barne eta Justitia ministroak deitoratu egin zuen «une latz hauetan» horri buruz hitz egitea, baina PPk erantzun dio Kode Penal berriak 13.000 preso kalean utziko dituela.


MADRIL

Coruñan egindako adierazpenetan, Bellochek esan zuen «tragedia hau bizi ondoren» ez dela komenigarria legeen aldatetari buruz hitz egitea. Bere iritziz, herritarrek lasai egon behar dute, ustez Anabel Segura bahitu eta hil zuten lagunek «egindakoa ordainduko dutelako». «Justiziak funtzionatu egingo du eta bere lana bete», azpimarratu zuen ministroak. Bellochek Senatuko tramitean dagoen Kode Penal berria aipatu zuen, bere arabera, «era honetako delituen egileei ezarriko zaizkien zigorrak gogortu egingo direlako».

PP ez da, ordea, iritzi berekoa, eta Seguraren gorpuren aurkuntzaz baliatu zen Kode Penala kritikatzeko. Rodrigo Rato PPko Kongresuko bozeramaileak esan zuenez, «PSOeren Kode Penalak 13.000 preso kalean jarriko ditu eta hauek bergizarteratuta daudenentz ez da jakin ahal izango». Ratoren arabera, dagoeneko bere taldeak maiatzean salatu zuen hainbat preso kalean geratuko direla eta ez du «une lagarri» hau aprobetxatu nahi izan.

Felipe Gonzalez lehendakariak herenegun esandakoari erantzunez, Ratok ziurtatu zuen Konstituzioa berritu beharrik ez zegoela «bereziki ankerrak diren delituen egileei» zigorrak gogortzeko. Manuel Fraga Gali ziako lehendakariak —Konstituzioa idatzi zuenetako bat— ere adierazi zuen Lege Nagusiak posible egiten duela delitu hauetako egileek espetxetik ateratzeko baimenik ez izatea edo beren zigorrak ez laburtzea. Nolanahi ere, Fragak esan zuen aukera hau oso kasu bakanetan aplikatu behar dela, «terrorismo, droga trafikoa edo azken egunotan ikusi ditugun indarkeri handiko kasuetan» adibidez.

Konstituzioaren egileetakoa ere baden Gregorio Peces Barbak esan zuen atzo politikoei era honetako auzietan «lagundu ez baizik nahasi» egiten dutela, «populismo handia egiten dutelako».



Emilio Muñoz, ustezko hiltzailea, gorpua non zegoen polizia erakusten.

EFE

Hiru atxilotuak epaileen esku

MADRIL

■ Ustez Anabel Segura bahitu eta egun berean hil zuten hiru lagunak atxilotu zituzten lekuetako epaileen esku geratu ziren atzo. Escalonan (Toledo) atxilotutako Felisa Garcia Torrijasko epailearen aurrean agertu zen 13.30etan eta ondoren Madrilgo espetxe batera eraman zuten. Emilio Muñoz senarra Illescas herrira eraman zuten; eta Candido Ortizek Madrilgo epaitegitara agertu behar izan zuen epai-

learen aurrean.

Hiru epaitegi hauek, nolanahi ere, auzia Alcobendasko (Madril) instrukzio epaitegiaren esku utziko dute, azken bi urte eta erdian afera bertan ikertu dutelako. Uste denez, Candido Ortiz eta Emilio Muñoz izan ziren 22 urteko gaztea bahitu zutena eta ondoren soka batekin hil eta lurperatu zutenak. Felisa Garcia laguntza eman ziela edo hilketa ezkutatu zuela uste du Poliziak. Angel Olivares Poliziako zuzendariak atzo esan zuenez, segur-

tasun indarrek hiru hilabete zeramatzaten ustezko hiltzaileen atzetik, baina ziur egon arte ez dituzte harrapatu.

Bestetik, Illescasko mediku forentseak eta Madrilgo Institutu Anatomiko Forentseko sendagileek Anabel Seguraren gorpuari autopsia egiteari ekin zioten atzo. Autopsiak luze joko du —agian astebete—, gaztearen gorpuren aztarnak hondatuta baitaude 1993ko apirilaz geroztik lurpean izan direlako.

Convergenciak gaur hautatuko du Jordi Pujol Generalitaterako lehendakari

BARTZELONA

Convergenciako (CDC) batzorde nazionalak Jordi Pujol Kataluniako Generalitaterako lehendakari gaur hautatuko du gaur aho batez, Castelltercol (Bartzelona) herrian egingo duen ekitaldian. Bertan, CDCko buruek datorren azaroaren 19ko hauteskundeetarako programa onartuko dute eta Tarragona, Girona eta Lleidako zerrendaburuak izendatuko dituzte, hurrenez hurren Joan Maria Pujals, Pere Macias eta Xavier Marinon.

Pujolen hautaketa eta beste gutxienez arratsaldean izango da, bai a goizean CDCk omenaldia

egingo dio Kataluniako Mankomunitateko lehen presidentea izandako Enric Prat de la Ribari. Lau legegintzalditan Generalitateko presidentea izan den Pujolek hitzaldia egingo du Prat de la Ribaren omenez.

Convergencia ezezik, Kataluniako beste alderdi politikoak ere beren zerrendak osatzen ari dira azaroaren 19ra begira. Mugimendu gehien egiten ari den alderdia PP da, azken hilabeteetan bultzatzen duen katalanista irudia sendotu beharra duelako boto berrien bila, orain arte eskuratu duen boto espainolistarekin uztartuz. PPren azken fitxaketak bi kazetari dira: Francisco Mar-

huenda 'Abc' egunkariako Kataluniako edizioako arduraduna eta telebistan ospetsu egin zen Ricardo Fernandez Deu. Lehenengo Bartzelonako zerrendako hirugarren posturako hautagaia da, eta bigarrenak ez du oraindik bere partehartzea ziurtatu.

UNIVERSIDAD DEL PAIS VASCO



EUSKAL HERRIKO UNIBERTSITATEA

GIZARTE ETA KOMUNIKAZIO-ZIENTZIEN FAKULTATEA

Oharra:

Gizarte eta Komunikazio-Zientzien fakultateko dekanok jakinarazi nahi die ikasketen plan berrietako lehenengo ikastaroa 1995/96 ikasturtean zehar egingo duten ikasleei (Kazetaritza, Ikus-Entzuteko Komunikazioa, Publizitatea eta Harreman Publikoak, Soziologia eta Politika-Zientziak izeneko lizentziatuetarako), ikasturtea datorren urriaren 2an hasiko dela, goizeko 9etan. Plan zaharreko ikastaroak urriaren 9an hasiko dira.

DEKANOA

LABURREAN

PSOek goi karguen soldatak blindatu nahi dituela salatu du PPk

PSOeren gobernuak bere goi karguen soldatak bizi osorako blindatu nahi salatu zuen atzo Rodrigo Rato PPko Kongresuko eledunak. Ratoren arabera, datorren urteko aurrekontuen xedapen batek dio Gobernuak eskubidea duela goi karguen soldatei bizi osorako produktibitate kontzeptua gehitzeko, eta horrela «goi kargu izandakoek bizi osorako pentsioa izango dute». PPko bozeramaileak «betiko» aurrekontuak direnak kritikatu zituen eta onartuko balira Europarekin bat egiteko epea urtebete atzeratuko dela esan zuen.

LAU turista frantziar hil dira Turkian

Lau turista frantziar hil ziren eta beste 17k zauriak izan zituzten atzo Selçuk (Turkia) herrian izandako autobus istripuan. Autobusak errepideko alde bateko hesia jo zuen eta horren ondorioz irauli egin zen, Turkiako poliziaren arabera, «gidariaren erruz». Turkia trafiko istripu gehien dituzten herrialdeen artean dago.

DURANEK PSOeri egotzi dio CESIDen jarduna

Josep Antoni Duran Lleida Unioko lehendakariak atzo esan zuenez, PSOeko buruzagiak dira CESIDek azken urteetan ustez egin dituen irregulartasun guztien erantzuleak. Duranek Joaquim Nadal Generalitaterako hautagai sozialistari erantzun nahi izan zion, eta «CESIDen bozeramaile» deitu zion. Nadalek herenegun ziurtatu zuen zerbitzu sekretuek behin bakarrik ikertu zutela Jordi Pujolen familia, 1992ko Joko Olinpikoen aurretik. Garai horretan, Pujolen seme nagusiak independentisten ekintzekin harremana zuela zabaldu zuen.